

QVÆSTIO MEDICA.

QVOD LIBETARIIS DISPV TATIONIBVS MANE DISCV TIENDA.

IN SCHOLIS MEDICORVM, DIE IOVIS XXVI. IANVARII.

M. PETRO MORIAV Doctore Medico Præsede.

Est ne mors à voluptate quàm à dolore citior?

1126

IGNIS in sinistro cordis specu velut in foco suscitatus vita est, nobilior atque diuinior eo qui inter obnoxia corruptioni corpora primas tenet, proportionem respondet elemento stellarum, cui tanto præstantior, quanto ab intelligentiâ regitur simul & informatur, ex se nulloque extrinsecus impellente *ἀκίνητος* sedem habet in spumoso & pingui, sincero & tenui, leuissimoque corpore, quo seu vehiculo celerrimè in auras abit & rapitur; hinc nobis vita brevis, verèque momenti vnius, nisi quod *ἀπὸ διαστολῆς τῶν ὀφθαλμῶν καὶ πρὸς ἀσπίδα παραπέμπεται*, sed propter huius effluuij conjunctæque reparationis celeritatem lateret, hi motus mirâ parique consensione sociantur, quâ vel minimùm solutâ, statim & ignis deperit natiuus & vita cum morte commutatur, quæ illius est corruptio, cum alius similis in pereuntis locum non substituitur: *μετέωρα, ὀβεία*. Hæc *βίαια* dicitur, illa *νέκρωσις*; prior à contrario cum adeo inualefcit vt coctione alimentî penitus præpeditâ alius non affluat cum effluit; posterior à se ipso cum in tantum adaugetur, refrigerationis penuriâ, vt citius effluat quam similis affluat. Vtraque certè cita, sed hæc illâ citior quod *ἀπὸ τῆς ἀπαιτίας τῶν ὀφθαλμῶν*.

VITÆ & morborum longitudo aut breuitas pendet & intelligitur ex collatione virium naturæ resistentis ac causæ cuius vis aduersæ, vim & interitum natiuo calori inferentis. Vitæ quidem longitudo cum illius vires firmæ & valentes, infirmi & debiles aduersantium causarum incurfus, rari, breues; breuitas vero, citæque moriendi necessitas, cum languidæ; insultus aduersi validi, fræquentes, diuturni, sic valde crassi *καὶ ἀσπίδες* naturâ, non otio, non diatâ, sed infiri penuriâ caloris angustos habent naturæ lares, venas & arterias exiles, in ijs exiguum omnino sanguinem *βραβύς* spiritus admodum paucos, crassos, impuros, caliginosos, tetrîs inquinatos halitibus, *νέφελος*, præclusos & immobiles, vires infirmas, celeriter moriuntur, vel leuem ob causam, multoque magis si vitæ ratio, occurrantia, cæli solique constitutio, qualis circa phasim, aduersa. In morbis, non ita: si *λεπτότερος* vtriusque robur; morbi diuturnitas, tardior exitus: citior, si valde impar, naturâ plurimùm superante, ad salutem: ad mortem, morbo; adeo in moribus diuturnitatem parit resistentia patientis; fatisciente naturâ nec repugnante mors præsens, collatis vnâ ad perniciem vtriusque viribus, præsentissima, non ante tamen quàm ista calamitas coranimæ vitæque sedem oblederet.

PRÆCEPS virium omnium lapsus *καταρῆξις*, malum vetus, maioribus notissimum; appellatio recens, priscis incognita, rei significandæ apprime conueniens, quasi à corpore cordæque ipso inclusa discedat anima concisis repente quibus interse colligata videri poterant vinculis omnibus. In eâ aut pulsus nullus est, aut extremè rarus, & obfcurus, corporis summa frigent, exoluto calore, tempora, ceruix, & thorax frigido sudore madent, dissolutâ partium solidarium substantiâ, facies pallet, torûmque corpus quasi eneruatum jacet; mens sensûsque omnis deficit & motus, vix vt à cadauere viuum adhuc corpus discernas, motu duntaxat & calore conspicuum. Syncopem afferunt cordis affectus omnes, intemperies quæ jam multum increuerit, multoque magis ex humorum vitio orta, febris ardens & maligna, tumores, vulnera, vlcera, omnis quæ in os ventriculi incidit grauis offensa; quæ tetro halitu spiritus corrumpunt, suffocant, exhauriunt; sæua animi symptomata, timor grauis & subitus, dolor atrox, sed maximè omnium præceps, impotens, & effrenata voluptas, ex quâ constat plurimos protinus vitam exhalasse.

SENSVS vnusquisque rei objectæ præsentia & actione pulsatur ac sentit, vehementiâ dolet, oculus, nimio splendore; auris, aspero vehementique strepitu; vnius autem tactus dolores *ἐκείνους*, atroces, quia maxime omnium necessarius, crassissimus, & in compaciore materiâ positus, qualitates in quibus hic versatur efficaçes, & ad corruptionem inferendam peridoneæ. Hæc si quando repente exuperent, siue exactam, quæ in tactu est, commoderationem evertant, siue substantiæ dirimant vnitatem, siue alias quouismodo vehementer feriant, protinus corrumpunt & dolorem commouebunt: quale est calidum, frigidum, graue, durum, acutum, asperum. Non ipsa noxiæ ac inimicæ qualitatis actio, non perceptio, sed quæ hinc protinus exoritur in aperitu affectio dolor est. Quæ citra hæc inimica sunt & horrenda tristitiam inferunt, dum instant, vtraque dum impendunt subitum timorem & fugam; repulsionis spes si qua affligat, hic audaciam, illic iram, ex quibus nullus vnquam subito interijt. Qualis ab his in animâ, talis in corde primum, dehinc in vniuerso corpore, spiritibus & sanguine ab ea fit motio, tamque interdum vehemens, vt nulla vnquam similis extrinsecus in corpore possit aduenire. Hinc magnæ & ad morbos, & ad mortes subito inferendas opportunitates, sæuæque adeo & atroces, vt plurimi animi impotentia non ferentes sibi manus intulerint violentas, in quibus tamen vniuersum ejus qui patitur natura aut nihil omnino confert, aut totis viribus resistit ac reluctatur.

QVÆ rationem consequitur delectatio quandiu tranquilla animique cellis continetur, gaudium, quæ se se effert exterius, lætitia: coporeæ delectationes *τὴν δὲ ἡδονὴν κακοῦς ὁρῶντες ἀνέχονται*, voluptates dicuntur: illæ, solis hominibus; hæ, brutis etiam animantibus nobiscum communes. Spirituales corporeis tantò majores quanto præstant animi bona bonis corporis, anima corpore, mens sensibus, præsentia rei quæ delectationem affert magis incitna, perfecta, firma: intima quidem quia mens rerum naturas penitus perscrutat, non ea duntaxat quæ extrinsecus accidunt; perfectior, quia tota simul, nec ejus pars transit dum quæ sequitur expectatur, vt in delectationibus cibi, potus, veneris, firmior quia animi bona æterna non caduca. Quo ad nos, quæ sunt corporis eò vehementiores, quod ejus bona nobis notiora, majorem habent corporis mutationem conjunctam, & jucunda aduersus molestias omnes remedia. Illa quies est aperitis rationalis ex opinione boni præsentis. Hæc *παρορμητικὴ ἡδονή, ἢ ἐπικρατικὴ ἀπόλαυσις* est æquans animæ quæ *παρὰ τὴν εἰς τὴν κατὰ φύσιν ἀναγκαίαν βίαν*. Sua cuique sensui voluptas in est, & parri, tactui peculiaris & maxima, quâ sibi quisque prospicit & æternitati; quod apprime diuinum. Hinc in mare & femina commiscendorum corporum miræ libidines. Quævis intra mediocritatis limites coercita maxime vtilis, necessaria; hæc vna, inter tot animi affectiones, vitam pollicetur longissimam, jucundissimam: cor, regium animæ, vitæ & caloris solium amplificat, extendit, viuificum ejus influxum, vnâ cum calore, spiritibus & sanguine summâ liberalitate quoquoersum distribuit; quo velut diuino quodam nectare delibutæ partes, illustratæ facultates alacrius operantur & perfectius, molestijs omnibus, quæ totâ vitâ quàm nimium multe sunt, citò, tutò, jucundè medetur; præsertim in pueris, propter incrementum, decrementum, in senibus, in melancholicis, propter continuum ab atrâ bile corporis detrimentum. Mediocritatem si multùm exceßerit, vita brevis, infinis propemodum repleta miserijs & doloribus; cor viscerum solidissimum, densissimum & maxime constrictum, emollit, rarefacit, quoquoersum aperit, spiritus & sanguinem attenuat, fundit, dissolvit, liquat, virium omnium robur infringit, totumque corpus effeminatum, decoloratum reddit & frigidum. Si ingens, subita, inopinata fuerit, maximè si tristitiam consequatur, in pueris, senibus, mulieribus, alijsque ejusmodi effeminatis, ipsa sponte anima, calore, spiritui & sanguine comitata, magno impetu, & sui impotens quâ data porta ruit in amplexum jucundi attrahentis, dolore impellente, nullo resistente; tum non *παρορμητικὴ*, non præceps virium lapsus, sed momentaneus natiui caloris in proprio fonte marcor & mors ipsissima.

Ergo mors à voluptate quàm à dolore citior.

566

DOMINI DOCTORES DISPV TATV RI.

M. Ioannes Forestier.
M. Michaël du Pont.
M. Petrus de Mersenne.

M. Andreas Guyet.
M. Ioannes Garbe.
M. Paulus Courtois.

M. Claudius Germain.
M. Germanus Preaux.
M. Petrus le Comte.



Proponebat Lutetiæ NICOLAVS BONVARLET, Rethellinus, A. R. S. H. M. DC. LXII.